

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

2. Morborum impatientiâ, è viris pueros fieri.

urn:nbn:de:hbz:466:1-45701

C A P V T XIII.

Hominum de Morbis cogitationes, & querela.

I.
Rem. 7. 24.

Velle captos carcere liberari, mirum non est, omnes enim amant libertatem. Quocirca & Pauli vox fuit: *In felix ego homo, quis me liberabit de corpore mortis huius?*

At seipsum in carcere strangulare, aut jugulo vel pectori cultrum immergere, insania est. Quia insania etiam furunt, qui, ne morbus eos in lecto, velut vinculis, teneat, se ipsos interimunt. Nimirum saepe tanta est morborum dolorumque vis ad hominis virtutem frangendam, animumque deiiciendum, ut eum ad extrema adigat, nec raro mentis imporem reddat. *Dolor*, ait

Cic. lib. 5.
Tuscul.

Tullius, *esse videtur acerrimus virtuti aduersarius; is ardentes faces intentat; is fortitudinem, magnitudinem animi, patientiam se debilitatum minatur.* Itaque tametsi Paulus verissime affirmaret:

2. Cor. 12. 10.

Cum infirmor, tunc potens sum (quia corporis infirmitate, inferiores animi vires efficiuntur potentiores, atq; ex imbecillitate hominis exterioris, interior fit vegetior, nouis viribus ex hoste nostro domestico, carne nimirum debilitata domitaque resumptis, ut etiam censuit Plato, qui judicavit, nimis bene valentes minus idoneos esse ad philosophandum) attamen homo ex infirmitate longè aptior promptiorque redditur, ad ea vitia, quæ corporis viribus non indigent: nimirum quæ non ex audacia, aut nimio feroce concupiscentia oriuntur, sed potius ex imbecillitate, & pusillanimitate, quales sunt, impatientia, oblocutio, desratio, & quæ ex altero extremo fortitudini & constantiae contraria sunt.

II.

Et vel hinc nonnulli obseruant, morbos corporis ac dolores viris gratiis atque severioribus molestissimos esse, quia vident, ob illos se se, ex viris & senibus fieri pueros, puerilia sectantes, & saepe puerorum more, ingemiscentes, saepe plorantes, saepe diem, in qua nati sunt, & parentes ipsos, è quibus nati sunt, detestantes. Hinc apud Philostratum, *Ion Sophista dicebat, rem morosam esse agrotationem.* Nam agrotus & uxor molestia est, & medicum incusant, & lectulum molestè gerunt. Ex amicis autem, & qui accedit, gravis est, & qui discedit, molestus. Nempe corpore agroto, facile agrotat

ægrotat & animus. Egrotus autem animus & lassis, & tristibus offenditur, & facit ea, quæ facere virum non decet. Seneca, ut febrem surrepentem fugeret, in Nomentanum suum fugit. Iam Seneca, ep. manum mibi iniecerat, inquit, protinus itaq; parari vehiculum justi, 104. Paulina me retinente. Medicus initia esse dicebat, motis venis, sed incertis, & naturalem turbantibus modum. Exire perseveravi. Ac in fratre: Medicina agro, non regio, querenda est. Fregit aliquis crux, aut extorxit articulum? non vehiculum nauemq; concendit, sed aduocat medicum, ut fracta pars jungatur, vel luxata in locum reponatur. Quid ergo animum, tot locus fractum & extortum, credis locorum mutatione posse sanari? Minus est istud malum, quam ut gestatione curretur. Ac paulò suprà. Quid per se prodeesse peregrinatio cuiquam potuit? Non voluptates illa temperauit, non cupiditates refrrenauit, non iras reprobavit, non indomitos amoris impetus fregit, nulla denique animo mala eduxit, non judicium dedit, non excusavit errorem: sed ut puerum ignota mirantem, ad breue tempus rerum aliqua nouitate detinuit.

Quid mirum, si hos dolor, & vel corporis, vel animi ægritudinem pueris similes fecit, cum idipsū S. Augustinus dicat Apostolo S. Augustinus. contigisse? qui ne extolleretur, ait S. Augustinus, tamquam ius in Psal. 130. natus, colaphizabatur tamquam puer: quia superbia remedium oportuit ex puerili humilitate desumi. Quæ enim fuit illa colla. 2. Cor. 3. 7. phizatio? quis stimulus carnis? S. Augustinus existimat, fuisse vehementissimum corporis dolorem. D. Hieronymus censet, S. Hieronymus, fuisse grauissimum capitis dolorem, de quo accipiendo sit, quod in ep. ad Galatas. idem Apostolus scribit ad Galatas: Tentationem vestram, quæ erat Gal. 4. 14. in carne mea, non spesisti, neq; respisti. Tentabantur enim Galatæ, ut contemnerent eum sublimia promittentem, quem languoribus corporis subiectum videbant, & animo quidem fortem ac patientem, foris tamen, indicia doloris promentem; qui enim colaphizabatur tamquam puer, etiam subinde, secundum inferiorem hominem videbatur ingemiscere ut puer, & clamare, Infelix ego homo, quis me liberabit de corpore mortis huins? Secundum communem enim existimationem felix non est, qui eger est. Hinc Pythagoras tria docebat à diis petenda: formam, diuitias, bonam valetudinem, cù quodd homo cetera ipse sibi præstare posset. Apoph.

Q 3

Quod .